

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ broj: 12/03, 34/03 i 65/13), a u skladu sa Zaključkom Vlade Bosansko-podrinjskog kantona Goražde kojim se utvrđuju Kriteriji za imenovanje na poziciju direktora Direkcije robnih rezervi, broj: 03-30-1543/26, i u vezi sa Zaključkom o raspisivanju oglasa za izbor i imenovanje direktora Direkcije robnih rezervi Bosansko-podrinjskog kantona Goražde, broj: 03-30-1543-2/26, a u skladu sa članom 22. stav 5 Zakona o državnoj službi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 3/18, 6/20), Vlada Bosansko-podrinjskog kantona Goražde objavljuje:

JAVNI OGLAS
za izbor i imenovanje direktora Direkcije robnih rezervi
Bosansko-podrinjskog kantona Goražde

1. OGLAŠAVA SE UPRAŽNJENA POZICIJA:

- Direktor Direkcije robnih rezervi Bosansko-podrinjskog kantona Goražde

2. OPIS UPRAŽNJENE POZICIJE:

Direktor Direkcije robnih rezervi Bosansko-podrinjskog kantona Goražde (u daljem tekstu Direkcija) nadležan je da:

- neposredno rukovodi radom Direkcije;
- predstavlja i zastupa Direkciju;
- organizira vršenje svih poslova iz nadležnosti Direkcije;
- donosi propise i druge opće i pojedinačne akte za koje je zakonom i drugim propisima ovlašten;
- u skladu sa zakonom i drugim propisima odlučuje o pravima, dužnostima i odgovornostima državnih službenika i namještenika iz radnog odnosa ili u vezi sa radnim odnosom u državnoj službi;
- odlučuje o korištenju finansijskih i materijalnih sredstava za koje je nadležan i ovlašten;
- vrši druge poslove koji su mu zakonom i drugim propisima stavljeni u nadležnost;
- za svoj rad i upravljanje odgovara Vladi Kantona.

3. MANDAT

Mandat direktora traje pet (5) godina, uz mogućnost ponovnog imenovanja, odnosno najviše dva puta uzastopno u skladu sa članom 27. stav (2) Zakona o državnoj službi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 3/18 i 6/20).

4. OPĆI UVJETI

Kandidati za poziciju direktora Direkcije robnih rezervi dužni su ispunjavati slijedeće uvjete:

- a) da su državljani BiH;
- b) da su stariji od 18. godina, da nisu stariji od 60 godina na dan imenovanja;
- c) da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije;

- d)** da se protiv kandidata ne vodi krivični postupak, da nije osuđivan za krivična djela i privredne prijestupe nespojive sa dužnošću direktora, pet godina od dana pravosnažnosti presude, uključujući i vrijeme zatvorske kazne;
- e)** da sudskom presudom ili drugom mjerom nisu isključeni ili im je zabranjeno obavljanje aktivnosti u nadležnosti direktora;
- f)** da nije u finansijskom ili privatnom interesu u instituciji u koju se imenuje;
- g)** da se na njih ne odnosi član IX 1. Ustava BiH;
- h)** da ima opću zdravstvenu sposobnost za obavljanje navedene pozicije.

5. POSEBNI UVJETI

Pored uvjeta iz tačke 4. Oglasa, kandidat mora ispunjavati i sljedeće uvjete:

- a)** VSS/VII stepen obrazovanja, visoko obrazovanje I, II, ili III ciklusa Bolonjskog sistema studiranja koji se vrednuje sa najmanje 180 ECTS bodova završen Ekonomski fakultet;
- b)** najmanje pet (5) godina radnog iskustva u struci;
- c)** poznavanje rada na računaru;

6. OSTALI UVJETI

Napomena: Dokaz o ispunjavanju uslova iz tačke (h) (zdravstvena sposobnost) dužan je priložiti samo kandidat koji bude imenovan na poziciju direktora.

7. POTREBNA DOKUMENTA

Uz prijavu na Javni oglas koja sadrži kraću biografiju, kandidati su dužni naznačiti adresu i kontakt telefon. Te su dužni dostaviti dokaze o ispunjavanju općih i posebnih uvjeta (original ili ovjerenu fotokopiju ne stariju od 3 mjeseca), kako slijedi:

Dokaz o ispunjavanju općih uslova:

- Uvjerjenje o državljanstvu;
- Izvod iz matične knjige rođenih (original ili ovjerena fotokopija ne stariji od 3 mjesec);
- Izjava kandidata da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije ovjerena kod nadležnog organa (original ne starija od 3 mjeseca);
- Uvjerjenje o nevođenju krivičnog postupka koje izdaje Općinski ili Kantonalni sud (original ne starije od 3 mjeseca);
- Izjava kandidata da sudskom presudom ili drugom mjerom nisu isključeni ili im je zabranjeno obavljanje aktivnosti u nadležnosti direktora;
- Izjava kandidata da nije u finansijskom ili privatnom interesu u instituciji u koju se imenuje;
- Izjava kandidata da se na njih ne odnosi član IX 1. Ustava BiH ovjerena od nadležnog organa (original ne stariji od 3 mjeseca);

Dokaz o ispunjavanju posebnih uslova:

- Diploma o završenoj školskoj spremi (original ili ovjerena kopija od nadležnog organa);
- Potvrda poslodavca o radnom stažu ili Uvjerjenje o radnom stažu iz PIO/MIO (original ili ovjerena kopija ne starija od 3 mjeseca);
- Dokaz o poznavanju rada na računaru.

8. PODNOŠENJE PRIJAVE

Prijave sa traženom dokumentacijom, lično ili putem pošte, dostaviti na adresu:

Vlada Bosansko – podrinjskog kantona Goražde, 1. slavne Višegradske brigade 2a, Goražde.

Sa naznakom: „Prijava na javni oglas za izbor i imenovanje direktora Direkcije robnih rezervi Bosansko-podrinjskog kantona Goražde – NE OTVARAJ“.

Javni oglas ostaje otvoren 15 /petnaest/ dana od dana posljednjeg objavljivanja, a objaviće se u “Službenim novinama FBiH”, dnevnim novinama „Avaz“, na službenoj web.stranici Vlade BPK-a Goražde: www.bpkg.gov.ba i Službenoj oglasnoj ploči BPK-a Goražde .

Neblagovremene i nepotpune prijave neće se uzimati u razmatranje. Kandidati koji budu stavljeni na listu za uži izbor bit će pozvani na intervju pred komisijom. Sve dodatne informacije možete dobiti na službenoj web. stranici Vlade BPK-a Goražde: www.bpkg.gov.ba, Oglasnoj ploči BPK-a Goražde ili direktno na kontakt telefon: 038/221-212.

Broj: 03-30-1543-5/26

Goražde, 09.07.2026. godine